

Na osnovu člana 4. stav (1) alineja 1. Zakona o zaštiti stanovništva od zaraznih bolesti ("Službene novine Federacijj BiH", broj 29/05) i člana 13. Zakona o zdravstvenoj zaštiti Federacije BiH ("Službene novine FBiH", br. 46/10 i 75/13), ministar Ministarstva zdravstva Kantona Sarajevo, d o n o s i

**PRAVILA POSTUPANJA
za uspostavu područja kontroliranog rizika od zaraze COVID 19 – "COVID SAFE
ZONE"**

Član 1.

Ovim Pravilima postupanja za uspostavu područja kontroliranog rizika od zaraze Covid 19 – "Covid safe zone" (u daljem tekstu: Pravilo postupanja) definiše se način uspostave područja kontroliranog rizika od zaraze Covid 19, način obilježavanja "Covid safe zone", te kontrole poštivanja uvjeta za održavanje "Covid safe zone" u svim zatvorenim objektima, hotelima, hostelima i svim ostalim smještajnim kapacitetima, kao i restoranima, kinima, pozorištima, fitness centrima, spa centrima (u daljem tekstu: objekat) na području Kantona Sarajevo, čime bi objekat od Ministarstva zdravstva Kantona Sarajevo dobio naljepnicu – oznaku "Covid Safe Zone".

Član 2.

Područje kontroliranog rizika od zaraze Covid 19 je područje koje u objektu tokom obavljanja registrovane djelatnosti, u cilju sprečavanja zaraze Covid 19, poštuje higijensko-epidemiološke mjere zaštite stanovništva propisanih odlukama KŠ MZ FBiH i MZ KS, kao i uposlenika, od zaraznih bolesti na sljedeći način:

- a) ograničavanjem broja stanovnika/posjetilaca u objektu u skladu sa važećim naredbama Kriznog štaba Federacije BIH i Kriznog štaba Ministarstva zdravstva Kantona Sarajevo;
- b) dokaz o prebolovanom oboljenju Covid 19 u zadnjih 6 mjeseci,
- c) dokaz o 2x vakcinaciji protiv Covid 19 u zadnjih 6 mjeseci ili dokaz primanja Booster doze,
- d) dokaz o obavljenom testiranju sa negativnim rezultatom testa na Covid 19 ili antigenskog Rapid testa,
- e) nošenja maske u objektu gdje je to primjenjivo.

Član 3.

Navedene mjere iz člana 2. ovog Pravila postupanja se definišu kao pravilo vakcinisan/a, prebolovao/la, testiran/a (u daljem tekstu: VPT pravilo).

Član 4.

Za poštivanje mjera iz člana 2. ovog Pravila postupanja, svaki privredni subjekt na svom objektu može vidno istaći naljepnicu "Covid safe zone" izdatu od Ministarstva zdravstva KS, kojom označava područje kontroliranog rizika od zaraze Covid 19.

Član 5.

Vizuelni izgled i sadržaj znaka kojim se potvrđuje da je objekat područje kontroliranog rizika od zaraze Covid 19 "Covid safe zone" (u daljem tekstu: naljepnica "Covid safe zone") je sastavni dio ovog Pravila postupanja (Prilog 1) .

Član 6.

Korisnik naljepnice "Covid safe zone", iz člana 5. ovog Pravila postupanja, obavezan je istu jasno istaknuti na ulazu objekta sa vanjske strane i kontinuirano održavati provođenje mjera utvrđenih Zakonom i ovim Pravilom postupanja.

Član 7.

U cilju ostvarivanja prava na dobijanje naljepnice "Covid safe zone" za objekat, vlasnik objekta obavezan je dostaviti Ministarstvu zdravstva Kantona Sarajevo zahtjev za izdavanje saglasnosti i dobijanje naljepnice "Covid safe zone", koji čini sastavni dio ovog Pravila postupanja (Prilog 2).

Član 8.

Na osnovu podnesenog zahtjeva iz člana 7. ovog Pravila postupanja, Ministarstvo zdravstva Kantona Sarajevo izdaje saglasnost za dobijanje naljepnice "Covid safe zone".

Naljepnicu "Covid safe zone" podnosiocu zahtjeva izdaje Turistička zajednica Kantona Sarajevo.

Ministarstvo zdravstva vodi evidenciju izdatih naljepnica "Covid safe zone" po spisku objekata i serijskom broju naljepnice "Covid safe zone".

Naziv objekata kojim je dodjeljena naljepnica "Covid safe zone" će biti dostupan javnosti putem web stranice Ministarstva zdravstva Kantona Sarajevo.

Član 9.

Ministarstvo zdravstva Kantona Sarajevo redovno informiše Kantonalnu upravu za inspeksijske poslove - Inspektorat sanitarne, zdravstvene i farmaceutske inspekcije i inspekcije za hranu-sanitarne inspekcije (u daljem tekstu: KUIP) o broju izdatih naljepnica "Covid safe zone" i objekata koji su istu dobili.

KUIP redovno vrši kontrolu poštivanja mjera na osnovu kojih je ostvareno pravo vlasnika objekta na dobijanje naljepnice "Covid safe zone".

Član 10.

U slučaju da inspektor KUIP-a utvrdi da se ne poštuju odredbe Zakona i ovog Pravila postupanja, obavijestit će Ministarstvo zdravstva Kantona Sarajevo, a naljepnica "Covid safe zone" i izdata saglasnost ministarstva će se poništiti.

Član 11.

U slučaju da inspektor KUIP-a utvrdi da je izvršeno neovlašteno kopiranje, štampanje ili distribucija naljepnice "Covid safe zone", poduzet će mjere propisane Zakonom o prekršajima FBiH ("Službene novine Federacije BiH", br 63/14).

Član12.

Ova Pravila postupanja stupaju na snagu narednog dana od dana isticanja na web stranici Ministarstva zdravstva Kantona Sarajevo.

Broj: 10-04-2466 /22

Sarajevo, 31.01.2022. godine

MINISTAR

Prof. dr Haris Vranić .s.r.



Prilog 1.

Naljepnica se nalazi u plavom okviru u obliku pravougaonika zaobljenih uglova, podloga bijela

IZGLED NALJEPNICE

COVID 19 je zelene boje sa bijelom podlogom

SAFE ZONE je ispisano bijelim slovima na plavom pravougaoniku iste boje kao okvir



Ministarstvo zdravstva Kantona Sarajevo i serijski broj naljepnice u crnoj boji

Grb Kantona Sarajevo vertikalno razdijeljen na tamno plavo i bordo crveno sa devet osmerokrakih zlatnih zvijezda i sa bijelom rozetom sastavljenom od ukrasa sarajevske katedrale i od zvekira



Bosnia and Herzegovina
Federation of Bosnia and Herzegovina

CANTON SARAJEVO
Ministry of Health

Prilog 2.

**ZAHTJEV ZA IZDAVANJE SAGLASNOSTI O PREUZIMANJU NALJEPNICE COVID
SAFE ZONE MINISTARSTVA ZDRAVSTVA KANTONA SARAJEVO**

KONTAKT INFORMACIJE

1. Naziv objekta
2. Adresa objekta na kojem/kojima želite istaći naljepnicu Covid safe zone
3. Djelatnost:
4. Kontakt telefon.
5. E- mail adresa:

PODACI O ODGOVORNOM LICU OBJEKTA

1. Ime i prezime:
2. Funkcija:
3. Telefon:
4. E mail adresa:

Objekat na kojem će biti istaknuta naljepnica "Covid safe" zone ima _____ m².

Svojim potpisom na ovaj zahtjev o izdavanju saglasnosti o preuzimanju naljepnice "Covid safe zone" potvrđujem da pristajem na odredbe definisane Pravilima postupanja za uspostavu područja kontroliranog rizika od zaraze COVID 19 - COVID SAFE ZONE Ministarstva zdravstva Kantona Sarajevo Broj: 10-04-2466/22 od 31.01.2022. godine.

Pravni subjekt

MINISTAR

Odgovorna osoba za zastupanje

Prof. dr Haris Vranić